

էր գաւառում ուժեղ և կանոնավորված կենտրոնավայր ունենալու անհրաժեշտութիւնը: Այդ կարիքին բավարարութիւն տալու կոչված էր Գորիս քաղաքը, որի հիմնադրութիւնը տեղացիք վերագրում են Կարաւ գաւառապետի նախաձեռնութեանը:

Պատմում են, որ գաւառի համար հարմար կենտրոն ստեղծելու մտքով տարված՝ Կարաւը մերձավոր պաշտոնյաների և վստահութիւն վայելող կալվածատերերի ու առևտրականների ուղեկցութեամբ մի մեծ ձիավոր խմբով շրջել է հատուկ այդ նպատակով գաւառի զանազան կողմերը և այցելած վայրերից ոչ մեկը չի հավանել: Վերադառնալիս ուշ գիշերով խումբը հասնում է Գորիս գյուղը: Զիւլթրների աչքի առջև բացվում էր գյուղի առջև գետակի աջ ափին փովող հարթութիւնը, որը նիրհում էր իր մեղմ սարալանջերի մեջ լրիվ լուսնի թանձր շողերով ողողված: Այս հրապարակի վրա ուրբաթ օրվա տոնավաճառներին հավաքվում էին շրջակա գյուղերից և հեռավոր վայրերից, նույնիսկ նախիջևանից, Շուշուց, Մեղրուց եկած ուղտերի, ձիերի, ջորիների քաշավանները բրդի, բոժոժի, կաշվի հակերով, պտուղների քոցնէրավ, Մոսկվայի ապրանքների կապոցներով, ծախու անասունով. արհեստավորները դուրս էին բերում իրենց կարած փափախները, կոշիկները, թամբերը, այս ու այնտեղ սարքվում էին գյուղական դալլաֆնէր: Գաւառապետը և նրան ուղեկցող ձիավորները հիացած կանգ են առնում այս հրապարակի առջև, որտեղ արդեն հատ-հատ սկսել էին կառուցվել առանձին տներ, խանութներ, արհեստանոցներ: Տեղնուտեղը միաձայն որոշվում է քաղաքը այդտեղ հիմնել:

Սակայն հիմնելիք քաղաքի համար վայրի ընտրութեան հարցում կրկին Գորիսին առաջնութիւն տալը բացատրվում է ոչ թե «լուսնյակի շողերի տակ նիրհող» հրապարակի գեղեցկութեամբ, այլ ավելի ուշալից նշանակութիւն ունեցող հանգամանքներով, որոնք թելադրել էին ոռոսական իշխանութեան այդ կետի վրա կանգ առնելու թե՛ կայսրի և թե՛ կենտրոնացվող գաւառի վարչական մարմինների տեղավորման համար: Արդեն ոռոսական տիրապետութեան հաստատվելուց առաջ, Գորիսը սկսել էր բարձրանալ որպէս կարևոր ճանապարհների հանգույց: Այդտեղով, ինչպէս և այսօր արևմուտքից-արևելք ուղղութեամբ, նախիջևանից Սիսիանի (Բիշենաղի լեռնանցքով) և Հայոց ձորից (Դարալագյազից) Որոտանի (Քոչքեկի) լեռնանցքով անցնում է ճանապարհը, ապա Շահի-յոլով Մուղանի դաշտը դուրս գալու համար: Խորին հնութիւնից այդ ճանապարհով տեղափոխվում էր նախիջևանի քարե աղը: Այս աղի ճանապարհը հատված էր այս կետում հարավից-հյուսիս ձգվող այլ ճանապարհով, որը գալիս էր Մեղրուց Տաշտունու (Դիբագլուի) լեռնանցքով և Ագուլիս Օրդուբադից Կապուտջուղի լեռնանցքով. միանում էր Փիրզուգանի Ողջի (Օխչի) գյուղի տակ՝ փոխադրվում էր Գետաթաղի վրայով (Բաղաբերդի մոտով) և Կյամբիլ լեռան ստորոտով հասնում էր Տաթև, իսկ այնտեղից շարունակվում էր Սատանի կամրջով Որոտնա գետի մյուս ափը անցնելու համար: Գետաթաղից Հալիձոր-Շիրուհայրի (Շնեհների) գյուղերի վերելով Շուբլի (Ուշթափալարի) սարահարթով բերում էր Գորիս և այնտեղից տանում Մուղան, իսկ Ղարաբաղի խանութեան հիմնվելուց հետո՝ Փանահ խանի օրից, Թթու ջրի լեռնանցքով այժմյան Լեռնային Ղարաբաղը և խանանիստ Շուշի Ղալան (ամրոցը): Այս հարավային ճանապարհն առանձնապէս կարևորութիւն ստացավ XIV դ. կեսերին: Նրանով Պարսկաստանի և Հնդկաստանի ապրանք-